

mido: de som. interpret. l. 4. c. 58. Timida & fugacia animalia & illiberalia, timidos & fugitivos nobis exhibent: velut cervus, lepus, canis. Et i. Regionis animantia & vernacula animalia significant prope habitantes & prope fores, ut hirundo & lepus. Hæc vero & fugitivos domum redire significant natura liberos existentes. Lepus timorē & mollitiem significat Carda. de som. l. 1. c. 29. & c. 33. dicit significare curlorem aut fugam meditantē. c. 38. lepus omnia infauſta & mortem etiam significat. c. 40. Pili asini labores, leporis mortem brevi & crudelem significat: parum enim vivit & à canibus vivus lacerari solet. l. 3. c. 13. Lepus canem persequens mutationem in deterius significat.

C A P U T XLVIII.

Superstitiosa,

Superstitio
103

MOS fuit veteribus, ut tenellos lepores dimitterent, DE A captantes gratiam. Deinde si feram se in flumen precipitare animadvertissent venationem interrumpēbant. Rhodig. l. 14. c. 31. Græci amoribus sacrum fabulantur leporem; quia λαγώς dicatur ἀπὸ τῆς λαίης. Erotēs vero à verbo ὀργάν utroq; visum significante. Rhod. l. 14. c. 30. Huc referri posse videntur, illa Constanti: Africani & Joh. Bapt. Porta. Constanti: l. de anim; ad Octav. c. 3. scribit. Candela ex adipe leporinā in medio fœminarum posita, incipere eas esse hilares. Port. l. 20. c. 8. Mag. natur. sic habet. Ut nil relinquam, quod à circulatoribus, & necromanticis simulatur; Apponunt lucernam characteribus inscriptā, leporino adipe plenam & quibusdā obmurmuratis verbis cum eam incendūt, & medio mulierum ardet, constringit omnes, ut abjectis vestib. omnia viris spontē ostendant, quæ operta tegunt, vident, nec saltare desierint, usq; donec ardeat lucerna, quod mihi à fide dignis narratum fuit. Consideravi non nisi à leporino adipe effectus posse provenire, cujus fortasse vis letalis quadam cerebrum penetrans ad ejusmodi dementiā concitat. Simile à Massageris fieri narratur ab Homero, esse arbores, quarum fructus si in ignem projiciatur, omnes qui igni proximiores fuerint, ebrios & stolidos evadere: nam illico, è sedibus insiliunt, & choreis & saltationib. indulgent.

C A P U T